


Til

Lindås kommune

Innspel til kommuneplanen sin arealdel 2019-2031


Vår merknad gjeld område vist som akvakultur på Skårabogen i kommuneplan for Lindås kommune. Vi ber om at området som er vist som akvakultur på Skårabogen går ut av kommuneplanen.



Vi er eigarar av gardane på Skår; gnr 229 bruk nr 1 og 2 som grenser til området. Gardane på Skår har rett til å fiske laks på Skårabogen. Fiske med faststående redskap etter laks er knytta til grunneigaretten. Fiske etter laks har vore drive her i fleire århundre. Skårabogen er kjent for å vera ein god lakseplass. På slutten av 1980-talet var det stor nedgang i fangsten. På grunn av den uheldige utviklinga vart villaksen i dag freda i høgsesongen for vandringa (1992). Sidan 1992 har vi bidratt med å fanga rømt oppdretts laks/ regnbogaure på våre fiskeplassar utanfor høgsesongen for laksen si vandring. Fylkesmannen har vist til undersøkingar som peikar på at lakselus og rømt oppdrettslaks som dei to viktigaste, kjende truslane for Vossolaksen. I starten var det i hovudsak rømt oppdretts laks/ regnbogaure vi fekk. Sist vi hadde krokarn ute hadde andelen av villaks auka. Vi leverer fangstrapport etter avslutta fiske dei sesongane vi fiska. I rapporten må vi bl.a. oppgje om det er vill laks eller

rømt oppdretts laks vi har fanga. Dette for å gje ein oversikt over bestanden av laks i Osterfjorden. Miljødirektoratet har overordnet ansvar for systemet. Fangstdagboka har blitt sendt til Statistisk sentralbyrå (SSB) for registrering. Når området vert opna for vanleg fiske etter villaks langs vår strandlinje, vil vi ta opp att dette fisket i samsvar med dei fiskerettane gardane våre har.

Vandringsmønsteret til villaksen på Skårabogen er teikna inn på kartet nedanfor. Kartet er utarbeid av fleire generasjonars erfaring. Desse rutene kjem i sterk konflikt med det arealet kommunen har avsett til akvakultur.



Våren 2012 var vi i kontakt med fylkesmannen i Hordaland vedrørende laksen sitt vandringsmønster på Skårabogen. I følgje Miljøvern- og klimaavdelinga hos Fylkesmannen er *strømmønsteret på kartet i samsvarer en del med det vi har sett av strømkart for andre fjorder, topografien vil påvirke strømmønsteret og i slike bukter vil det ofte være en del svakere strøm. Det vi har sett er at anlegg plasser slik ofte blir flyttet på. Derfor stilles det krav om strømmåling før det gis utslippstillatelse. Hvorvidt lokaliteten vil egne seg for merdoppdrett vil avhenge av hva som vises på strømmålingene som må gjøres før etablering.*

Miljøvern- og klimaavdelinga hos Fylkesmannen opplyser vidare at ifølge Fiskeridirektoratet går grensa for laksefjorden ved Molvikagrendi og i ei rett line over fjorden mot sør-øst. Dette betyr at Skårbogen grenser tett opp til dette området.

Det blei i 2015 gjeve utslippsløyve for settefiskanlegget i Bjørsvik for 7,5 mill. smolt. I tillatelsen blir det opplyst at i dag vert avløpsvatnet for dagens produksjon sleppt ureinsa ut i ytre delen av Bjørsvikvågen. Utfrå dei nabovarsla vi har fått av eigaren av settefiskanlegget er

dette utsleppet ca. 800 -1000 meter frå området som er vist som akvakultur område i kommuneplanen.

Skårabogen er beiteområde for store flokkar(fleire hundre) med ender og ærfugl. Dei siste åra har og ca. 30 svaner hatt Skårabogen som beiteområde. Vi antar at det er på grunn av ei oppblomstring av sjøgras i området på grunn av (auka) utslepp frå settefiskanlegget.

Vi meiner at ein auka endringar i dei naturlege bunnforholda i området ikkje er bra og at det kan medføra ubalanse for andre artar. Utfra fanga fisk i område, antar vi at Skårabogen også er gyteområde for bl.a torsk.

Med bakgrunn i overnevnte verdiar for miljøet, kulturarven, natur og friluftsliv, samt private interesser, ber vi om at området som er vist som akvakultur på Skårabogen går ut av kommuneplanen.

Venleg helsing

Anne Lise Fjelde Skjelvik og Bjarne M Trefall

13.09.2018